



Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDLXXIII. Johann und Heinrich, Herzöge von Mecklenburg-Stargard treten
dem zwischen Brandenburg und Mecklenburg-Schwerin getroffenen
Vergleiche bei, am 5. Jan. 1438.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

MDLXXIII. Johann und Heinrich, Herzöge von Mecklenburg-Stargard treten dem zwischen Brandenburg und Mecklenburg-Schwerin getroffenen Vergleiche bei, am 5. Jan. 1438.

Wy Johans vnd hinrick veddere, von godes gnaden Herttogen to Meklenborch vnd Stargarde, Bekennen openbar mit dessem brieue vor vns vnse eruen vnde nakomen vnd sunst vor allen, die diessen brieff sehen edder horen lesen, So alle vpp huden die Irluchten hochgebornen fursten vnd herren her fredrick die Junge Marggreue to Brandenborch vnd Borggreue to Noremerch vnd hertoge hinricke van Mekelnborch Greue to Swerin vnse leue vedder to Perleberge von menigerley faken, fredebroke, togrepe vnde schelinge wegen, vnse vnde orer aller lande vnd lude antreffende, to dagen gewesen syn vnde sick van orer vnd vnser aller lande vnd lude beterunge willen, fruntliken geeynet, verdragen vnde forder dage to holden, verschreuen, versegelt vnde vns die obgnante vnse vedder hertoge Hinrick van Swerin mit In alle dedinge gethogen vnde sick vnser genczliken gemechtiget hett, also dat die versegelden brieffe darouer gegeben clerliken june holden vnd vtwissen; Darvme Reden vnd louen wi obgnante herttoge Johans vnd hertoge Hinrick veddern van Mekelnborch vnd to Stargarde, dat wy vnde vnse eruen vnde nakomen alle schriftte, stuckte, punckte vnd artikele, alle die vnse obgnante vedder herttoge hinrick van Swerin etc. von vns gein dem obgnanten Marggreuen fredricke verschreuen vnd versegelt hett, Stede, vaste vnd vnuerbroken by vnser forstliken eren vnd truwen na lude vnde uttwifunge der brefe, die darouer gegeben sint, holden vnd nicht verbreken scholen noch en willen ane arch vnde ane alles geuerde. Des to Orkunde vnde warem bekentnisse hebbe wy obgnanten Herttoge Johans vnd hertoge hinrick vor vns vnse eruen vnde nakomen vnse beide Ingefelgel an dessem brieff hengen heyten, die Schreuen vnde Gegeuen is to Perleberge, Na godes gebort vierteynhundert Jar vnd darna jn dem acht vnde drittigsten Jare, am Sondage der hilgen drier koninge auende.

Nach dem Original des R. Ges. Kab.-Archives R. 81. O.

MDLXXIV. Zusprache der Herzöge von Mecklenburg gegen die Mark und die Herrschaft Ruppin wegen der in der letzten Zeit erlittenen Beschädigungen, v. J. 1438.

Tosprake, de de hochgebarn fursten vnde hern hern Johan vnde hinrik de Oldern hertogen to meklenborch, to Stargarde, Rozftok vnde werle hern, ffursten to wenden etc. hebben to deme hochgebarn fursten vnde hern, hern ffrederike dem Junghern, Marggreuen to brandenborch, borchgreuen to Noremerch etc. van twedrechte, schede vnde ffredebrake wegen, de geschen synt an eren landen vnde luden van des gnanten Marggreue ffrederikes mannen vnde vnderfaten wegin ys alz hie nu nha gesereuen steyt. Tome ersten als vme willenden ffrede, den de Rore den ergenanten